

Авсн даалгъварн кўцāхин тōлā

Нидн джилинār болхла, ма-на колхоз „2-я пятилетка“ загъс анънллгънд гарх савму-дин тоогъинь икдўлв, тегād хаврин болзг эклхлā тенъгсур ставной шўугўл—10, реюшк—17, тенъгсин хоогъшс—6, меха-низировани нег бот гарв. Загъсчнр цугтан хоорндан дōрлдā кедж кōдлād, сар болгън зу-рагъан кўцālгъ теткцхāv.

Хаврин сармудт загъсн икār йовсн саамл, загъсчнрин дунд дōрлдāн кўч авч, дōргār дел-грв. Эн дōрлдāнд кесг загъсчнр кўч-кōлсāн нōлго кōд-лцхāдж, нерāн туурацхав. Ур Ф. С. Докучаевин гардджах ставной шўугўлин звенон за-гъсчнр 2-ч кварталн зура-гъан 183 процент кўцāv. Энū-нā дарунь уурмуд Б-Халга-евин, Егоровин, Дроздовин гарддж йовх звенос гарцхав.

Колхоз эн джилин тўрўн дōрлин зурагъан 136 процент, джилā зурагъан 68,4 процент кўцāv. Эн диг района наадк колхозмудин кōдлмштāн кўц-сн дигās тату. Тегād мана за-гъсчнр диилврārн бардмдж ке-гъād, бийсāн санамрдулх са-нан уга. Джил чилтл орн-нутгтан кесг минъгън центнер загъс зурагъасн давулдж дōгх болдж авсн социалистическ даалгъварн кўцāхин тōлā ке-джāх ноолдагъан сулдхджāхш.

Колхозд ода намрин болзгт савмудан, гōлм-урхан белд-лгън эклджāнā. Намрин болз-гиг делгў белнār тосдж, джи-лā зурагъан давулдж кўцāгъād, загъсар орн-нутган кўццнъ теткх тōр кўцālгънд темдгтā демāн кўргх—мана даалгъвр-та тōр.

П. ПОДКОПАЕВ,
колхозин ахлач.